



Resolución da Dirección Xeral de Educación, Formación Profesional e Innovación Educativa pola que se amplía a oferta de formación permanente do profesorado en linguas estranxeiras no exterior.

Atendendo ao establecido na disposición adicional segunda da Orde do 5 de xuño de 2013 pola que se convocan licenzas por formación para o curso 2013/2014 destinadas ao funcionario docente non universitario e se aproban as súas bases de concesión (DOG do 14 de xuño), esta Dirección Xeral,

RESOLVE, ofertar as seguintes prazas no exterior:

País	Rexión	Datas	Nº de prazas	Destinatarios
Canadá	Alberta	Do 7 de outubro ao 1 de novembro de 2013	12	Mestres (Elementary Schools)
Canadá	Alberta	Do 7 de outubro ao 1 de novembro de 2013	4	PES (High and Junior High Schools)
Francia	Amiens	Do 13 de novembro ao 8 de decembro de 2013	20	PES

Obxecto das prazas:

A actividade de formación está encamiñada á integración do profesorado seleccionado nun centro de Educación Primaria ou de Educación Secundaria, segundo corresponda, no país que se solicite durante o período indicado.

O profesores e profesoras participarán activamente na vida diaria no centro educativo adxudicado, nas diferentes clases e nas celebracións e festividades que realice o centro de destino.

Segundo o procedemento da orde de convocatoria:

1. As persoas candidatas só poderán solicitar unha praza das ofertadas.
2. Os destinatarios deberán cumprir cos requisitos mencionados no artigo 3 da convocatoria da Orde do 5 de xuño de 2013 pola que se convocan licenzas por formación para o curso 2013/2014 destinadas ao funcionario docente non universitario e se aproban as súas bases de concesión (DOG do 14 de xuño).



Documentación a presentar para as prazas de Canadá:

1. Solicitude utilizando o modelo do Anexo II da mencionada Orde para a modalidade 6.
2. Certificación acreditativa de dispor do nivel B2 na lingua estranxeira do Marco Común Europeo de Referencia para as Linguas (MCERL), agás para o profesorado especialista.
3. Anexo VI da orde cuberto e asinado.
4. Proxecto do plan de perfeccionamento que se pretenda acometer con base na lingua estranxeira que se vaia perfeccionar, segundo o estipulado na citada orde.
5. Certificado de antecedentes penais negativo emitido polo Ministerio de Xustiza.
6. Unha presentación en lingua inglesa sobre o sistema educativo español en xeral e do sistema educativo galego en particular, facendo fincapé en aspectos culturais e relacionados cos programas de bilingüismo e plurilingüismo levados a cabo no seu centro.

Documentación a presentar para as prazas de Francia:

1. Solicitude utilizando o modelo do Anexo II da mencionada Orde para a modalidade 6.
2. Certificación acreditativa de dispor do nivel B2 na lingua estranxeira do Marco Común Europeo de Referencia para as Linguas (MCERL), agás para o profesorado especialista.
3. Anexo VI da orde cuberto e asinado.
4. Proxecto do plan de perfeccionamento que se pretenda acometer con base na lingua estranxeira que se vaia perfeccionar, segundo o estipulado na citada orde.
5. Compromiso de formar parte dun irmandamento co centro de acollida e participar en futuras actividades que se levarán a cabo coa Académie d'Amiens ao longo do curso 2013-2014.
6. Unha presentación en lingua francesa sobre o sistema educativo español en xeral e do sistema educativo galego en particular, facendo fincapé en aspectos culturais e relacionados cos programas de bilingüismo e promoción das linguas estranxeiras levados a cabo no seu centro.

Aloxamento:

O aloxamento será en casa de familia. O importe do aloxamento e das 3 comidas será de 750 dólares canadenses para Canadá (600 euros aproximadamente) e de 550 euros para Francia, que correrá a cargo da persoa seleccionada.

Desprazamento:

O profesorado seleccionado deberá organizar a súa viaxe dende o seu domicilio ata o aeroporto de destino. As persoas seleccionadas, no seu caso, poden solicitar un reintegro



para os desprazamentos na convocatoria de reintegros individuais (DOG do 26 de xullo de 2013). Solicitarase cun mes antes do comezo da actividade.

O prazo de solicitude das prazas para Canadá remata o 6 de setembro de 2013.

O prazo de solicitude das prazas para Francia remata o 20 de setembro de 2013.

Santiago de Compostela, 2 de agosto de 2013.

O Director Xeral de Educación, Formación Profesional e Innovación Educativa

Manuel Corredoira López